

興國縣志卷之二十六

寓賢

宋

程顥字伯淳頤字正叔河南人慶歷四年甲申父大中大夫珣來知縣事皆隨任越二年丙戌珣由興國攝倅南安識周濂溪先生敦頤於司理叅軍因與爲友以二子師之濂溪每令尋孔顏樂處所樂何事宋史傳稱顥自十五六時與弟頤聞汝南周敦頤論學遂厭科舉之習慨然有志求道張橫渠先生載嘗言二程兄弟從十四五時便脫然欲學聖人故卒得孔孟不傳之學以爲

興國縣志

卷二十六

寓賢

一

諸儒倡顥生於明道元年頤生於二年侍大中在興國時顥年十三頤年十二所謂濂洛淵源於是乎始也顥仕至太子中允監察御史裏行後謫汝州監稅哲宗召爲宗正丞未行而卒年五十四文彥博題其墓曰明道先生嘉定間謚曰純公頤官至秘書省校書郎卒年七十五學者稱伊川先生謚曰正公

叅宋史本傳  
郡縣舊志

張尙瑗曰宋史不以周程張朱並列儒林歐陽永叔蘇子瞻亦不並列文苑宜乎興國流寓不敢以兩先生等夷位置及考一統志流寓之在餘干乃有朱紫陽先生洛陽亦有邵康節許魯齋先生大抵名儒轍

跡所及此邦倚之以爲重聖賢亦隨所之耳豈有異於人哉謹述侍父之由書之爲寓賢稱首

元

滕賓字玉霄睢陽人仁宗英宗間官翰林嘗客遊興國至治辛酉爲監邑忽都必誤拯粥碑記又有題令公巖十景詩皆見於袁天騏舊志又爲邑人鍾氏族譜譔序在延祐二年乙卯中有客遊激江之語陳謨海桑集居南記云玉霄翁爲姚可發所題翁由翰林提文印出江西風流篤厚其筆墨至今傳誦寶愛不替贛平川亦其遊衍嘯歌遺化處故老往往能道翁狂嬉狎酒韻致云

興國縣志

卷二十六

寓賢

二

林志  
明

劉崧字子高原名楚泰和人元至正鄉舉明洪武三年第進士任職方郎中北平按察使歷官吏部尙書致仕復徵爲國子司業卒著有槎翁集初崧年未弱冠嘗客遊興國後又與邑令陳文彬善數往遊焉文彬多善政修舉廢墜立學校繕城垣以及梵刹道院皆崧爲之記丁元末造江嶺兵亂崧因避地興國比寇至則又徙而之他詩有聞贛被圍東固大坑合兵攻興國懷伯氏子中阻亂不得歸又懷一兄四舍弟俱客興國所作自餘

倡酬題咏之什尤多

林志

陳謨字一德號心吾泰和人弱冠以詩文名虞文靖公集見而稱之曰廬陵後來之歐陽子也洪武初召見宋學士濂王待制禕請以近侍官之辭疾而歸連應有司聘為廣東江西文衡海內言詩文者皆師宗之楊文貞公士奇其自出也幼受學推重尤至著有海桑集謨自元至正甲辰避兵亂僑居興國去之永豐乙巳春攜家復來既應詔赴金陵弟姪仍有留居者

林志

張尙瑗曰謨所與遊若呂仲善仲實廖以善羅斗明劉啟東李梅所謝維高周景元邱子萬蕭極初姚可

興國縣志

卷二十六

寓賢

三

發見之於詩文贈答吳師魯孫觀民王伯貞則同客之友也縣令賈思復朱克敬馮某貳令沈司平迴龍砦巡檢周伯景驛丞祝某則守土於興賓禮之者也黃仲宏以奉使至者也曰仲氏以靜曰姪孫士瞻宗族同旅寓於興異地遲歸見之於記憶者也先是二十餘年劉槎翁嘗客授鍾廷方家至辛丑壬寅亦以避亂依陳令文彬以居其詩文所稱文士則鍾希浩鍾廷亨廖月山邨民則陳宗舜儒將則黃進賢方外則蒲衣道者楊質練師無邊僧以及掾吏之鍾大觀葬師之胡從正醫士之馬如春閱海桑槎翁兩集而

明初之衣冠里巷文采風流亦班班矣獨鍾廷方爲  
槎翁客授主人旣沒而海桑誌其墓呂仲善亦互見  
兩公集中兩家旅蹟前後不相及未嘗形諸唱酬留  
歷下亭飯顛山之佳話然同爲西昌詩人同被興朝  
辟命槎翁自北平寓海桑書有才名踰五十年雄聲  
俊彩錮炳風雲之語蓋其交相推服者至矣

劉鴻字雲表泰和人弱冠舉於鄉兩擬春官第一不獲  
第才名達於禁中憲宗賜以巾曰遮暘免其家徭役邱  
文莊公濬倪文毅公岳戴恭簡公珊皆與爲忘分交所  
居七星坳自號七星居士詩文集十二卷嗜酒好遊嘗

興國縣志

卷二十六

寓賢

四

旅寓興邑邑之求銘誄贊序者爭乞七星先生以爲重  
邑令曾選尤禮敬焉

林志

鍾瓘字良玉號西坡永豐人成化戊戌進士其先自興  
國徙居永豐所居村曰閭溪瓘素負氣節宰咸寧以直  
道忤時致政歸所著詩有蚤秋集數往來信興諸邑人  
士多從之遊嘗謁越國公祠以歲時不得奉蒸嘗爲憾  
遂命子與宣移家興國邑明經名標諸生名楷孝廉名  
模其七世孫也

林志

劉同升字孝則一字晉卿吉水人崇禎丁丑進士第一  
官翰林修撰謫福建按察司知事乙酉金陵徵爲左中

允辭不拜入贛與楊廷麟萬元吉協謀拒守勞瘁嘔血而卒先是嘗往來興國邑令林演培迎館之分司署中經月又僑居榔木村門人諸生鍾先聲水閣每出入觀者塞途羣兒看狀元同升笑曰後生可畏何渠不若我里人至今稱道之

贛郡張志

國朝

梁機字仙來泰和人康熙五十二年舉人六十年登進士第授翰林院庶吉士自爲諸生時往來興國與前令張尙瑗相唱和其時先後戾止者同郡則贛縣詹敘五宜倫蕭緒士相經譚玉書孔經寧都會學鉅倪邱昭衡

興國縣志

卷二十六

寓賢

五

成和雩都尹仲禹元貢長寧吳松若之章會昌蕭恂眉師諤信豐黃雨田文澍同省則南昌劉紹權宗衡朱朴士瀆豐城熊來周履廷金谿池藻園漾錦南豐湯若人永誠南城張紫芝採新城魯秀玉琇新淦楊百穀侃安福顏崧降傳其自他省來者則上杭張鶴峯亨邱仁山東陵晉江林揚子棟林立人植武進楊古度梅青浦楊采南陸榮秀水沈辰遠猷遠靜寧慕霏玉國典潛山龔漢牧黃海陽陳比之珏而吳江人爲多如陳狷亭沂震吳雋綺家麒吳超士權吳子孺安世張後村參魯張文木嘉理沈酌盈斗祈沈成廈時棟皆尙瑗鄉里也諸人

於興邑山川風土題咏殆遍然惟機寓興國最久膺鄉  
舉後館城北王氏邑人多從受學故家巨族至今猶寶  
藏其詩文

宋昌圖字道原雩都諸生篤守程朱之學規言矩步道  
貌偉然嘗館衣錦鄉與山寮段聖學者講小學近思錄  
多所興起雖樵夫牧豎咸知敬仰

按興邑自二程過化志林列之寓賢之首難乎其爲  
繼矣或謂寓賢宜專載二程二程而外附志流寓以  
明此邦人士於四方名流之戾止斯土者未嘗不繫  
之維之咸欲伸其繼綫之意而特不可與二程夫子  
興國縣志

卷二十六

寓賢

六

相提並論此其說雖非無見似未免過爲區別也今  
仍從志林體例按時代編次并補入

國朝二人而一時名下士嘗與前令相過從及邑中山  
川人物多因其詩文以傳者姓字亦由是可考云

蔣志

